

سورة الكهف وعلو الهمة | #محاضرة | د. حازم شومان

حازم شومان

السلام عليكم ورحمة الله وبركاته السلام عليكم. هو الميكروفون فيه حاجة ولا ايه؟ الحمد لله وكفى وصالة وسلاما على عباده الذين
اصطفى الله لك الحمد كله وكل الملك كله وبيدك الخير كله واليک يرجع الامر كله. لبيك يا ربنا وسعدیك - 00:00:00
لبيك يا ربنا وسعدیك. والخير كل الخير في يديك والشر ليس اليك. نحن بك واليک. نحن بك واليک تباركت وتعالیت نستغفرك ونتوب
اليک. اللهم صل على النبي محمد وعلى ازواجها امهات المؤمنين. وعلى ذريته وآل بيته انك - 00:00:30
انك حميد مجید. آما بعد يعني اخواني واحبابي في الله ورد في تفسير قول الله سبحانه وتعالى وما ننزل الا بامر ربك لو ما بين
ايدينا وما خلفنا وما بين ذلك وما كان ربك نسيبا. ان سيدنا جبريل يعني انقطع الوحي عن النبي عليه الصلاة والسلام فترة ايام.
فسيدنا جبريل لما نزل - 00:00:50

النبي عليه الصلاة والسلام قال له ايه ؟ قال له ما نزلت يا جبريل حتى اشتقت اليك. يعني بيقول له انت وحشتني. يعني شف بس انا عايزك تاخد بالك ايه من الاخوة - 00:01:10
اللي في هزا الموقف ما نزلت يعني هذا الرواية بهذا النص في سندها كلام ولكن يعني في رواية صحيحة في ما نزلت يا جبريل حتى اشتقت اليك. فقال له سيدنا جبريل وانا كنت اشوق. وانا كنت مشتاق لك اكتر ما انت مشتاق لي - 00:01:20
ولكنني مأمور. فانا يعني يا اخوانى باقول لكم انتم وحشتوني. بس قولوا لي بقى ونحن كنا اوخش. الله المستعان آآ يعني طبعا بنحبي فضيلة الشيخ النوساني ربنا بيارك فيه ويحفظه يا رب من كل سوء. وآآ يعني انا كنت آآ يعني ناوي ان بعد الدرس ان شاء الله هنصلى مع بعض كده ركعات - 00:01:40

مع بعض ان شاء الله. آبس هو ان شاء الله يبقى ايه في عقد يعني فور الدرس وبعد كده ان شاء الله ايه آنصلني مع بعض. اخوازي
في الله عايزين نتكلم في اخطر قضية في الحياة كلها. اخطر - 00:02:00

قضية في الوجود كله علو همتك في علاقتك بكتاب ربنا سبحانه وتعالى. علو همتك في علاقتك بآيات ربنا ضرب مثل فاستمعوا له يعني واحد غلبان راجل ما بيعرفش يقرأ ويكتب وماشي في الشارع يعني ابنه ولا حد بعث له جواب والجواب مهم. فقد يبص ما هوش، عارف يفك الخط خالص - 00:02:10

فقابل واحد في الشارع قال له يا عم الله يكرمك انا الجواب ده مهم اوبي مش عارف اقرابه اعمل ايه؟ فالراجل بص في الجواب كده آآ يعني مش شايف من غير النضارة قام مطلع نضارة ولابس - 00:02:30

وقام باصص قال له ده الجواب بيقول كزا كزا كزا. قال له طب انت عرفت ازاي؟ هو ايه اللي انت لبسته ده؟ قال له ده نضارة قرابة.

القارية تخليني اعرف اقرا بس خلاص عرفت بعد كده مش محتاج حد فالراجل راح ولاي محل نضارات قال له انا عايز نضارة قرابة.
فالراجل ادي له نضارة قرابة فبيبعض كده على الورق قال لها النضارة دي بايزة انا مش عارف اقرا! انا مش قاري الكلام بيقى النضارة
ديت فيها مشكلة. لأن القضية مش في النضارة القضية - 00:02:50

في الایه؟ في الدماغ اللي ورا النضارة يعني كذلك يا اخوانى قضية تدبر كتاب ربنا سبحانه وتعالى. قضية ازاي نتدبر في القرآن؟ ازاي نفهم القرآن ازاي نعيش مع القرآن القضية؟ يعني القضية انت فاهم القرآن ازاي؟ انت بتتعامل مع القرآن ازاي؟ انت مقبل على اسهل كتاب تفهمه في - 00:03:10

الدنيا القرآن. من غير تفاسير حتى انت ممكן تفهم كلام ربنا. الا بعض الالفاظ الله! ربنا بيقول لك ولقد يسرنا القرآن ايه؟ للذكر ولقد يسرنا القرآن للذكر. ربنا يقول القرآن الفلاح البسيط يفهمه. الرجل البسيط الغلبان يفهمه. الام اللي ما بيعرفش يقرأ ويكتب يفهموا -

00:03:30

يعني القرآن يا اخوانا اي حد يفهمه يا جماعة. القرآن بسيط سهل. القرآن اسهل ما يكون ولكن القضية انت داخل بهم شكله ايه لما اتكلمنا يعني في ليلة دار الارقم اللي كانت قبل ما اسافر العمرة على طول. لما اتكلمنا في ايات سيدنا ابراهيم. واذ قال ابراهيم لابيه ازر -

00:03:50

اتخذوا اصناما لله اني اراك وقومك في ضلال مبين. وكذلك نولي ابراهيم ملکوت السماوات والارض. فقلنا سيدنا ابراهيم لما رأى فلما رأى فلما جن عليه الليل رأى كوكبا خرج بنور ايه لما تدبر في الكوكب؟ لا احب الافلين. طب لما نظر للقمر ها لما رأى القمر بازغا -

00:04:10

خرج بنور لعن لم يهدني ربى لاكونن من القوم الضالين. لما تدبر في الشمس خرج بنور وجهت وجهي. يعني القضية قضية ايه يا اخوان؟ قضية الشمس والقمر والكوكب موجودين في السما كل يوم من يوم ما ربنا خلق سيدنا ادم. من يوم ما الانسان نزل. اشمعنى سيدنا ابراهيم الا لما بص فيه جاعت هزة الانوار -

00:04:30

لانه نظر فيهم بهم. يعني نفس القمر اللي سيدنا ابراهيم وصل به لهذه الانوار. القمر موجود في السما. امال انت ما بتوصلش ليه؟ ما احنا بنصب الشمس وهم ما يوصلش ليه؟ ما الكواكب مالية السما اهي ما بنوصلش ليه؟ لانك بتتص من غير الهم اللي كان جوة قلب سيدنا ابراهيم عليه السلام -

00:04:50

القرآن بهم انك توصل لربنا وشف هتوصل ازاي. اقعد في الدرس ده بهم انك توصل لربنا. لما كان الواحد زمان يعني فكه النهاردة جلسة جميل اووي مع شيخنا الشيخ محمد يعقوب بعد بعد الخطبة يعني. لما كان الواحد زمان بدأ يرتبط بالشيخ محمد والواحد لسه طالب في الكلية -

00:05:10

كان في الاول ايه يعني تقدر تخرج من درس مع الناس. الدرس النهاردة كان قوي ما شاء الله. الدرس النهاردة كان ايه؟ يعني الواحد ما اتشحنش النهاردة او الدرس لما الواحد بدأ -

00:05:30

مرتبط بقضية التربية وبقى بيقعد يحضر الدرس بهم الوصول الى الله. ما هواش بهم انه يقيم درس. بقى الواحد يخرج الاقي اخ يقول الدرس النهاردة مش عارف ما له؟ الدرس النهاردة قوي. استغرب قوي ايه وضعيف ايه؟ يا اخوانا احنا خارجين بروشتة. احنا خارجين بخط سير. احنا خارجين بانوار تنور لنا -

00:05:40

طريقنا الى الله. هو انت بتتكلم على درس آآآ الدرس وتقييم الدرس؟ قضية الهم اللي انت بتحضر الدرس به. الهم اللي انت بتقرأ القرآن به هي دي القضية. القرآن سهل يا اخواننا. القرآن بسيط. القرآن كله انوار. ولكن ايه الهم اللي في قلبك وانت ماسك المصحف وبتقرأ؟ ايه الهم اللي جواك وانت -

00:06:00

وانت بتصللي قيام الليل بالسورة. ايه الهم اللي جواك؟ يعني الواحد سبحانه الله لما تروح العمرة كده فيه واحد رايح يعمل عمرة. فيه واحد رايح بهم الوصول الى الله كل شوط حوالين الكعبة جهاد لعله يوصل لربنا في الشوط ده. كل ركعة في الحرم المكي او المدنى جهاد -

00:06:20

خلو يصل لربنا في الركعة ده كل ايه بيقرأها جهاد لعل الاية دي هي اللي توصله لربنا وهي اللي تنور له طريقه الى الله سبحانه وتعالى. يا اخواني يعني الرسول عليه الصلاة والسلام قال حديث خطير جدا جدا الحديث ده لو تدبرناه هنتعامل مع القرآن تعامل تاني خالص. يقول لك وان صاحب القرآن يلقى ايه -

00:06:40

صاحبه حين ينشق عنه قبره. النبي عليه الصلاة والسلام بيقول لك القرآن اول ما تطلع يوم القيمة لو انت صاحبه يقول لك الا تعرفني انا صاحبك القرآن. انا صاحبك. انت صاحبي؟ يعني ايه؟ يعني النبي عليه الصلاة والسلام بيقول لك المفروض العلاقة بينك وبين القرآن تبقى -

00:07:00

اصحاب تبقى علاقه صحبه بمعنى ادق. تبقى علاقه صحبه. يعني ايه علاقه صحبه؟ الكلام ده يا اخواننا بيعرفنا ان علاقه الناس بالقرآن ست انواع. زي بالزبط علاقه الناس ببعض. علاقه الناس بالقرآن زي علاقه الناس مش النبي قال لك انا صاحب القرآن؟ اه لا -

00:07:20

ده موضوع بقى ده ده صحبه. يعني انت كنت صاحبي في الدنيا وما سبتيش وانا النهارده صاحبك يوم القيمة ومش هاسيبك لحد الفردوس الاعلى. لحد ما ادخلك الفردوس الاعلى. فاذا ايه العلاقة بالقرآن ست انواع؟ خد بالك بقى من الكلام ده كويس جدا. هنبدأ

الاول يعني ايه صاحبك؟ صاحبك هو صاحبك ده بقى صاحبك ازاي - 00:07:40

يعني مسلا احمد وابراهيم اللاتين اصحاب. خلاص؟ اللاتين بقوا اصحاب ازاي؟ اللاتين اول مرة اتقابلو مع بعض في عزومة عند اي اخ ولا في اي موقف ولا في اي قعدة اتقابلو مع بعض وهم قاعدين كده فقام ابراهيم عمل ايه قام جايب شاي للناس او جاب آآ حاجة ساقعة على احمد فبدأ احمد يتعرف على - 00:08:00

ابراهيم ان هو ايه عنده ملمح كرم. عادي خلاص عرفت عن الاخ ده ان هو ايه الاخ ده شكله كويس يعني. مرة تانية قابله فلقى ايه احمد في ازمة فابراهيم جري عشان يشوف جماله. فبدأ يعرف ان الاخ ده شهم. يبقى بقى فيه ملمح تاني في المقابلة الثانية، فبدأوا لو كل ما يتقابلو يعرف - 00:08:20

ملمح جديد عنه. كل ما يتقابله يتعرف على صفة جميلة جديدة فيك بعد فترة من التعارف حصل حاجة اسمها ايه؟ ها؟ الایه؟ الصحبة. لـ لسة مش الصحبة. الانجذاب اللي - 00:08:40

ارتباط بدأت تتألف مع بعضها. بدأوا اللاتين يلطموا مع بعض. الانجذاب يعني ايه؟ بقى احمد عايز ياخذ تليفون ابراهيم ويعرف تليفونه بقى نفسه لما يروح قعدة يلاقي ابراهيم قاعد. بقى نفسه كده ياخذه على جنب كده ويتكلموا في ايه؟ لوحدهم بدأ ده بالزات - 00:09:00

ارتبط به يبقى المرحلة الاولى التعارف. التعارف لو انت اتعرفت على اللي قدامك ولقيته شخصية جميلة وصفاتها جميلة هتدخل في الانجذاب والارتباط انك نفسك انك تبقى مع ده. نفسك انك تقوى علاقتك به. نفسك انك تتعرف اكتر على ده. لو مرحلة الانجذاب والتآلف ديت عدت - 00:09:20

يمكن استمرت هتوصل اني بقوا اللاتين اصحاب. يعني ايه اصحاب؟ يعني اول واحد ابراهيم لما يحصل له مشكلة يجري عليه هو احمد. اول واحد ابراهيم لما يفرح يجري عليه هو احمد. اول واحد ابراهيم لما يتختنق عايز يفضفض لحد يروح لاحمد. على طول اللاتين رايحين مع بعض وجايين - 00:09:40

بقوا اصحاب. طيب ده صاحبي. ها دي كلمة ولكن في كلمة اعلى عندنا منها اسمها ايه؟ يقول لك ده ايه ده واحد من اهلي ده كانه من اهل البيت. ده يدخل في اي وقت ويصحيني في اي وقت ده كانه من الي. يبقى بعد - 00:10:00

انا صاحبك القرآن في مقام اعلى اللي هو اسمه ايه؟ اهل القرآن هم اهل الله وخاصته. يبقى ازا يا اخواننا احنا الوقت في اربع مع القرآن بینا وبين بعض لحد الوقت. فيه واحد بيعرف على القرآن. لسته بيعرف وهو مش عارف. سورة ال عمران بتتكلم عن ايه؟ والله ما اعرف حاجة عنها. طب سورة النساء - 00:10:20

الموضوع حقيقي. يا عم النساء ده انا بسرح فيها في التراويف. ولا يعرف الامام قال ايه اصلا. طيب الف لام ميم المكي. يعني ايه الف لام ميم المكي؟ طب الحواميم حوميين مين يا عم؟ انا ما اعرفش انت بتقول ايه - 00:10:40

ده لسه عايز بيعرف على القرآن. فيه واحد بدأ بيعرف ويعرف القرآن ده عزيز قد ايه وخطير قد ايه. وفي مرحلة الانجذاب والارتباط بقى نفسه انه يقرأ كل شوية بيشتاق انه يقرأ. فيه واحد تالت بقى صاحب القرآن. ما تشوفوش غير ومعه المصحف. على طول بيقرأ في المصحف. على طول قضيته انه - 00:10:50

المصحف فيه واحد بقى اعلى اللي هو اهل القرآن ده بقى قرآن يمشي على الارض. قرآن على الارض. طيب انت دول اربع علاقات. انت قلت ستة في علاقتين تانيين بقى يعني كارسة مصيبة. اللي هي علاقة المعرض - 00:11:10

يعني ايه المعرض ومن اعرض عن ذكري عن القرآن فان له معيشة ضنكا. ها ومن يعرض عن ذكر ربه اللي هو القرآن يسلكه عذابا صعدا. يعني ايه المعرض ده؟ مش انت ساعات تقابل واحد كده تلاقيه عايز يتعرف عليك. انت ما ميلتش ليه؟ ما حبتوش ما فيش في قلبك حاجة له - 00:11:30

ما تقابله تعمل ما انتش شايقه. اهو ده المعرض بقى. العارض بتاع الوش يديه. يعني مش عايز علاقة بالقرآن اصلا. ما هوش عايز ده المعرض. المعرض ده اللي هو مش عايز يقيم علاقة مع كتاب ربنا. في حاجة تانية اللي هو هاجر القرآن. يعني النبي عليه الصلة والسلام قال لنا ان اللي امتنع عن السلام على صاحبه - 00:11:50

ثلاث ايام ده بيقى هجره. يعني لو تلات تيام في حياتك القرآن ما دخلش في حياتك انك تسمعه انك تقرأه. انك تتصل به انك اتعلم اية انت كده دخلت في هجر الكتاب الله سبحانه وتعالى. طيب اللي معرض عن القرآن ده اللي معرض عن القرآن ده مصيبة يا اخوانا. النبي عليه الصلة والسلام قعد يعلم الصحابة القرآن - 00:12:10

دخل ثلاثة واحد لقى مكان في النص وواحد قاعد ورا وواحد مشي النبي عليه الصلة والسلام قال الا انبئكم بخبر الثلاثة. اما الاول فاوای الى الله فاواه الله اللي بيقبل على فهم القرآن ده بيأوي الى الله. واما الثاني فاستحبها فاستحبها الله منه. واما الثالث فاعتبر مش عايز يسمع القرآن. مش عايز - 00:12:30

يسمع تفسير القرآن فاعتبر الله عنه. لو سمعت كلمة اعرض في القرآن او السنة اعرف ان بعدها مصيبة. اعرف ان اللي هيحصل بعدها مصيبة فاعتبر ده مش عايز يسمع القرآن وده واحد عايش مع النبي في المدينة ومسلم ويبيقول لا الله الا الله خدوا بالكم يا اخوانا. اوعوا تفتقروا ان الاعراض ده معناه واحد كافر. ولا - 00:12:50

واحد بيحارب القرآن. ده المعرض ده اللي مش عايز يسمع القرآن. اللي مدي العارض. يعني ايه؟ في التعبير العامي كده يعني في تعبير كده يقول لك ده ده ادى الطرشة كده يعني - 00:13:10

ايه ولا كانه سامع ولا كانه شايف هو كده. مش عايز علاقة بالقرآن في حياته. طب المعرض عن القرآن ربنا يقول لك ايه؟ وقد اتبناك من لدنا ذakra من اعرض عنه من اعرض شف بقى اللي مش عايز يسمع القرآن ومش عايز يرتبط بالقرآن فانه يحمل يوم القيمة وزرا. خالدين فيه - 00:13:20

واساء لهم يوم القيمة حملأ يوم ينفح في الصور ونحشر المجرمين يومئذ زرقا. المجرم يعني المعرض عن القرآن ده جريمة. ده بيعمل جريمة في حق نفسه وفي حق علاقته بالله سبحانه وتعالى. اول ما تسمع لفظ اعراض اعرف ان فيه مصيبة جاية. فاعتبروا بس - 00:13:40

كده كلمة واحدة بس فارسلنا عليهم سيل العرم وبدلناهم بجنتيهم جنتين ذاتي اكل خمط واثن وشيمه بسرد قليل. فلما جاءكم الى البر اعترضتم. بس كده وكان الانسان كفورا. هتعمل فيهم ايه يا رب؟ افأمنتتم ان يخسف بكم جانب البر؟ ام امتنتم - 00:14:00

ان يعيدهم فيه تارة اخرى فيرسل عليكم قاصفا من الريح. فيغرقكم ايه ده! كل ده عشان ده اسمه معرض ده اسمه مش عايز علاقة بالقرآن. ده اسمه مش عايز ارتباط بالقرآن. وقال لو استقاموا على الطريقة لاسقيناهم ماء غدا - 00:14:20

فيه ومن يعرض عن ذكر ربه يعرض عن القرآن نسلكه عذابا صعدا تعزب في الدنيا ويعيش معذب. والموت عذاب اشد من الدنيا. والقبر عذاب اشد من الموت. والقيمة عذاب اشد من القبر. عذاب تصاعدي - 00:14:40

ما بينزليش. الكيرف بتاع العذاب ما بينزليش والعياز بالله. لانه بعيد عن كتاب ربنا ولانه معرض يبقى اذا فيه ست علاقات بكتاب ربنا اختار شف انت فين منها؟ علاقة معرض انا ما ليش دعوة بالقرآن اصلا. القرآن ده مش في حياتي اصلا. طب ده معناه ايه؟ ان واحد كفر ده معناه - 00:15:00

ان انت اصلا مش عايز تتعلم قرآن. ان انت بقى لك سنة ما فتحتتش مصحف. ده اعراض. انك بقى لك خمس شهور ما حضرتتش درس تفسير. ده ده النبي قالها على واحد ممكн الصحابة كانوا بيسموه ان هو من ضمن الصحابة قال فاعتبر الله عنه. ازاي ما تقعدش وتسمع - 00:15:20

وتحجي وتفهم كلام ربنا امال هتوصل لربنا ازاي ؟ وان اهتديت فيما يوحى الي ربنا. هو انت عندك نور تاني ؟ هو ليه ربنا سبحانه وتعالى يعني النبي عليه الصلاة والسلام قال من لم يسأل الله يغضب عليه. لانك انت محتاج فلو ما سألتش ربنا معناه انك هتسأل غيره. هو انت لك رب تاني ؟ هو - 00:15:40

وانت لك مصدر توفير احتياجات تاني ؟ هو انت لحياتك راعي تاني! هو انت لك باب تاني بتقف عليه! عشان كده من لم يسأل الله لا يغضب علي. آية بالزبط كده قضية القرآن. هو انت دلوقتي مش مقبل على القرآن؟ هو حضرتك عندك نور تاني ؟ هو فيه مصدر تاني - 00:16:00

استبشر به ولا انت مستغنى عن قضية الدين كلها قضية خطيرة. العلاقة الاولى معرض. العلاقة اللي اخف منها شوية هاجر. قلت لك يعني مجرد تلات ايام ما لكش علاقة بالقرآن ده ممكن تدخل في الهجر. العلاقة اللي بعد كده يعني التعارف بقى. اللي هو عايزين نتعرف على القرآن يا جماعة. عايزين - 00:16:20

نتعرف عليه فلما نشوف صفاته العزيمة ونوره الرهيب نبدأ بقى ننجذب اكتر وندخل في مرحلة الارتباط والانجذاب للقرآن. اللي هو انت نفسك بقى وانت قاعد وسط الناس امتى بقى الدرس يخلص اروح البيت اقول على نفسى واسهر بقى مع كتاب ربنا. اتلوا ايات ربنا اهديه بقى الارتباط. لسه مش اصحاب - 00:16:40

الصحاب ده لما ده يبقى حالك على طول بقى. بدأت ترتبط بالقرآن وتعيش يا سلام الليلة بتاعة امبارح دي كانت في الجنة. في الجنة من جمال القرآن اللي تليته فيها - 00:17:00

جلسة الضحى دي كانت في الجنة. ده انا قررت النهاردة سورة الكهف حياتي كانت جنة وانا باقرأها. وهكذا. عديت مرحلة الارتباط وارتبطت وقبل النهار بقى على طول بقى كل يوم القرآن معك بقى كل يوم بتقرأه بقى كل يوم بتفهمه. دخلت بقيةت صاحب القرآن. صاحب صحبة. عديت الصحبة - 00:17:10

وبقيت قرآن يمشي على الارض بقيةت من اهل القرآن الذين هم اهل الله وخاصته يعني دي تقديمها اخوانى وتوطئة في مسألة اول همة في العلاقة بكتاب الله. يعني الحقيقة انا النهاردة يعني اه يعني فكرت اتكلم عن ايه؟ يعني فكرت اتكلم عن ايه؟ لقيت انا انا العمра - 00:17:30

اللي فاتت دي يعني يعني استغفر الله العظيم واتوب اليه. ولكن فعلًا هي كانت اجمل عمرة في حياتي. اجمل عمرة في حياتي. يعني الواحد ياما راح عمرات كتير في وسط - 00:17:50

الزحمة رايح عمرة وراجع منها على مش عارف هتدي سلسلة فين ولا هتدي دروس ايه العمرة دي من اولها كده الواحد رجع لايام زمان امن ماسك المصحف وما وراكش حاجة ما انتاش خايف من ان وراك حاجة. انت عايز تقرأ كلام ربنا تشوف نور كلام ربنا ده ايه. نور الواحد قرأ سورة الكهف - 00:18:00

كاني اول مرة اقرأها في حياتي. سورة سباء كاني اول مرة اقرأها في حياتي. سورة الروم كاني اول مرة رفعت يا اخواننا عايزين ندي لنفسنا فرصة ان احنا نتعرف على القرآن. انا نفسى نعمل مشروع اسمه ختم التعارف. ختم التعارف بينا وبين القرآن بس. نتعرف عليه. قبل ما نبقى صحبة قبل ما تقول انا صاحب - 00:18:20

القرآن يا عم بس نتعرف على بعض الاول. تتعرف على الكتاب المجيد على الكتاب العزيز. على الكتاب المنير. تتعرف على على علم الله اللي ربنا ينزله لك من فوق سبع سماءات عشان توصل به اليه. عشان كده الليلة انا عايز نقف مع سورة من سور القرآن. يعني اللي المفروض ان آآ يعني كثير من - 00:18:40

قرأها النهاردة كل جمعة والنبي عليه الصلاة والسلام قال انها بتقرأ كل جمعة. السورة بتاعة خط السير الاسبوعي للامة كلها. السورة بتاعة تجديد الشحن الایمان في القلوب كل اسبوع للامة كلها السورة اللي للاسف الشديد بنسمعها كتير وبنقرأها كتير ومعظمنا لو اديته مصر - 00:19:00

وسينته في جنب اللي هو ربع ساعة هيرجع يسمعها لي رغم انها مش قصيرة رغم انها طويلة. سورة الكهف يا اخواننا اللي احنا يعني

ممکن نكون حافظينها وقارينها لو سامعنا ولكن مش مقدرين قيمتها. مش مقدرين اشمعنى دي من وسط القرآن كله اللي كل اسبوع -

00:19:20

النبي قال لك تقرأها هتبقي نور لك في دنيتك وآخرتك وقلبك وايمانك. صورة خط السير للامة كلها. الامام الحسن ابن علي رضي الله عنه كان ايام الفتنة قبل ما يتنازل عن الخلافة لمعاوية كان كل يوم يقرأ سورة الكهف. اشمعنى عارف انها خط سير - 00:19:40 عارف ان لو قابلتك اي مشكلة في يوم من الايام ومحترم عارف تعمل ايه. افتح المصحف واقرأ سورة الكهف بقلب. قبل ما تخلصها تكون عرفت تعمل ايه. سورة الكهف - 00:20:00

دي نور يا اخوانا دي خط سير للامة كلها. عايزين نتكلم عن سورة الكهف كده. شوية ونتكلم السورة دي بتجدد الشحن الایمانی ازاي هنتكلم عن بعض ملامح طب اللي احنا بنعمله ده ايه بس عشان بس نبقى فاهمين ايه علاقة المقدمة بالكلام اللي احنا بنعمله ده تعارف على صورة بنتعرف يعني ايه - 00:20:10

نتعرف على سورة الكهف الليلة. ايه رأيكم نبدأ نتعرف؟ فنبدأ نشوف ملامحها. فنبدأ نعرف بعض صفاتها. فنبدأ نرتبط بها شوية فتروح نقرأها شوية وفي وسط نسوان توحشنا تاني فنقرأها يجي الجمعة الجاية. كل جمعة نقرأها فنبدأ نبقى اصحاب لسورة الكهف. فنبدأ نقطدي بها ونطبقها - 00:20:30

فنبقى من اهل سورة الكهف. القصة بتيجي كده يا اخوانا القرآن ده رحلة رحلة على مدى عمرك. نبدأ بالي بسورة الكهف؟ سورة الكهف بتعلمنا آآ علو همة علو همة في حاجات كتير اووي يا جماعة سورة الكهف اصلا هي سورة علو همة. علو همة في التضحية. يعني اسمها سورة الكهف هي السورة فيها اربع قصص. قصة اهل الكهف اللي - 00:20:50

راحوا عاشوا في الكهف تلتزمت سنة وبعد كده قصة صاحب الجن提ن اللي قعد يدعوه دعوة فردية لذلك الرجل المشرك وبعد كده قصة موسى والخضر طلب العلم الانطلاق في طلب العلم. وبعد كده قصة ذو القرنين اللي لفوا الارض كلها من اجل الجهاد. في سبيل الله. طب لما ربنا - 00:21:10

سمى السورة دي. او لما اسماء السور توقيفية. او لما يبقى فيه اسم للصورة دي. ليه مش سورة ذي القرنين؟ ده واحد لف الارض كلها عشان نشر الجهاد طب ليه مش صورة الخضر اللي علم موسى هذه العلوم المهمولة؟ الله! طب ليه مش صورة صاحب الجن提ن او صاحبه ليه باسم القصة الاولانية - 00:21:30

عشان ربنا يعلمك اعلى حاجة في التضحية. السورة كلها تضحية يا جماعة. اهل الكهف ضحوا وسابوا ببيوتهم وحياتهم. وراحوا عاشوا في جبل ربنا. وصاحب صاحب الجن提ن ضحي وقعد يدعو الى الله ويحاور ويتحمل الازى. وموسى ضحي وسافر رحلة رهيبة. عشان تلات مسائل - 00:21:50

طلب العلم ذو القرنين ضاعها ولف الدنيا كلها وساب بلده وكان ممکن يبقى ملك ملك متوج في بلده وبيحكם بالشريعة وممین له عندي حد حاجة انا باحكم بالشريعة وصالح وباعبد وباقوم ليل وقاعد في بلدي وقاعد جنب آآ اهلي وقاعد ولكن لف الدنيا كلها. ولكن يا اخواننا - 00:22:10

موسى راح يطلب العلم عند الخضر بس هيرجع بيته تاني. صاحب صاحب الجن提ن بيلف في الدعوة الى الله. بس ارجع بيته تاني اخر اليوم. ذو القرنين لف الدنيا. بس هيرجع بيته تاني بعد سنة ولا سنتين ولا ثلاثة. انما اهل الكهف خرجوا من بيوتهم - 00:22:30 وهم عارفين انهم مش راجعين تاني. اكبر تضحية في الصورة. وهم عارفين ان خلاص الناس دي اهلهم حياتهم مستقبلهم انتهت علاقتهم بالدنيا تاني. يعني وانت بتقرأ سورة الكهف كده تحس ان انت قلبك - 00:22:50

من البكاء. منزري يا اخواننا الشباب دهمت الله اعلم بعذتهم كانوا سبعة ولا خمسة ولا ستة الله اعلم وما كانوا كم واحد. وهم ميم على صخر في بطن جبل لحد منهم اتجوز ولا حد منهم خلف ولا حد منهم خد اي حاجة من الدنيا - 00:23:10
ولا حد منهم كان امن على نفسه من القتل. ومتين في الكهف بالمنزد ده منزد يقطع القلب. هو يا رب فيه ناس ضحت عشانك للدرجة دي هو يا رب فيه ناس عاشت عشانك للدرجة دي. هو يا رب فيه ناس انت غالى في قلبها للدرجة دي - 00:23:30

لدرجة انه ساب كل حاجة واحد وهو بيقرأها يا اخوانا وبيتخيل منظرهم نايمين على على الصقر كده مش قادر يملك نفسه. مش قادر يملك نفسه ايه ده! انا حاسس ان - 00:23:50

عشانك يا رب. عشانك يا رب السورة كلها عشانك يا رب. السورة كلها موسى وهو بيلف في الدنيا ورا الخضر عشانك يا رب زو القرنين وبيلي في الدنيا بيتابع اسار اقدام البشر عشان يمكن يكون فيه اتنين ورا الجبل ده وصل لهم دعوة ربنا عشانك يا رب. اهل - 00:24:00

وهما سايدين الدنيا واللي فيها. وفي النهاية حتى ماتوا. لا انتصروا ولا حتى شافوا الناس بعد ما وصلت للهدي. ولا شافوا اي فتح دعوة ولا اي فتح في نصرة ما شافوش حاجة. عاملين زي اللي اقتلوا في احد كده مالها هتشوفوا عاملين زي سمية اللي اتقتل في اول الدعوة كده ما شفتش حاجة - 00:24:20

ضحوا بكل حاجة وما خدوش حاجة. منز رهيب فربنا يجيب لك القصة دي بقى وتبقى دي عنوان السورة كأن السورة بتقول لك علو الهمة في التضحية ربنا غالبي عندك قد ايه؟ سورة الكهف يا اخواننا لو عايز شعار فعل اللي قلبك فيها حقيقة عشانك يا رب. عشانك يا رب شف فيه ناس عملت ايه. سورة الكهف علو الهمة - 00:24:40

في البزل للدين. الصورة اصلا نفسك يتقطع فيها. بمنظر اهل الكهف. وهم طالعين الجبل. وهيقعدوا تلتمية ميت سنة تلتمية سنة في المكان داهو. ايه ده! هي فيه ناس عندها الهمم ديت اتقاموا. قاموا قاومة مش قامة يعني وقفوا - 00:25:00 على رجليهم اذ قاموا قوما لله. قومة لله. يا جماعة لما ربنا يديك نور اووعي تضيعه. كنا بنقول لما سيدنا ابراهيم اني اراك وقومك في وهو بيقول لابوك كده يقينا الف واحد على وجه الارض وقفوا برضو ايه شوية الاصنام اللي احنا قاعدين نعبدها دي؟ ده ضلال. بس بعد كده اتشغلوا بس بعد - 00:25:20

كده ما ناش فاضي سيدنا ابراهيم لما ربنا ادى له النور ده وقف. فلما جن عليه الليل وقف حياته عشان النور ده لما ربنا يديك نور اووعي تضيعه لما ربنا يشرح صدرك للقرآن ده نور اووعي تضيعه. لما ربنا يشرح صدرك لقيام الليل ده نور. اووعي تضيعه. لما ربنا يشرح صدرك لطلب العلم - 00:25:40

حلم دانور اووعي تضيعه. اووعي تضيع النور اللي ربنا بيديه لك يبقى اول قصة علو الهمة عشان العقيدة والعبادة. تاني قصة قال له صاحبه وهو يحاوره. قال له صاحبه وهو يحاوره. علو الهمة في الدعوة. الرجل ده هيخلد في جهنم لو ما تابش الى الله. علو الهمة في الدعوة - 00:26:00

ودخل جنته مashi معه منطلق معه. بيتحرك في الدعوة الفردية الى الله. تيجي قصة موسى بقى يا نهار ابيض! واذا قال موسى لفتاة انه لا ابرح حتى ابلغ. انا ما فيش ممكن لحد ما اوصل. لحد ما اوصل. للمعرفة الكاملة بالله - 00:26:20 حتى ابلغ مجمع البحرين. قال لك مجمع البحرين نايم وضيit جبل طارق. يعني هيفضل ماشي من سينا لحد لحد المغرب. يا اما باب المندب تحت يعني هيفضل ماشي لحد الحطة اللي عند اليمن ديت يا اما انتقي ايه ده! ايه يا اخواننا ده! لا ابرأ حتى ابلغ مجمع - 00:26:40

بحرين او امضي حقبا تمضي حقبا. يا موسى ده انت وراك ووراك ورايا هنا اهم حاجة في حياتي اني اعرف ربنا. اهم حاجة في حياتي اني اوصل لربنا اهم حاجة في حياة ان نور معرفة ربنا يملا قلبي. دي اهم حاجة في حياتي. طب لما وصل للخاطر بقى شف ربنا يقول لك ايه فانطلق شف - 00:27:00

شف القوة طلقة فانطلق قوة رهيبة ما فيش لحظة تضيع في غير طاعة الله. حتى اذا ركب في السفينة فانطلق حتى اذا لقي غلاما فقتله. فانطلق حتى اذا اتي اهل قرية استطعم الى انطلق - 00:27:20

انطلق انطلق يعني قمة العزيمة. بعد كده بقى توصل بعد قصة سيدنا موسى وانت يعني خلاص بقى هتموت راجع من مضيق جبل طارق بقى خلاص ما انتاش قادر. راجع تاني على المسجد عشان تكمل تلاقي ربنا سبحانه وتعالى بيكلمك. بيقول لك ويسألونك عن ذي القرنين قل ساتلو - 00:27:40

عليكم ايها؟ السلام عليكم. قل ساتلو عليكم ساتلو عليكم منه ذكرنا. ده انا مش هقول لك كل القصة زكر ده انا اقول لك حته منها بس. ان مكنا له في الارض واتيناه من كل شيء سبباً فاتبع سبباً. حتى اذا بلغ مغرب الشمس. يا نهار ايض - 00:28:00

حتى اذا بلغ مطلع الشمس حتى اذا بلغ بين السدين ما فيش. علو همة رهيب ده كل ده الهمة دي عشان ربنا. انت عملت ايه عشان ربنا انت عملت ايه في دين ربنا عشان ربنا سبحانه وتعالى بزلت مجهد ايه عشان ربنا علو لما السورة يا اخواننا في اولها - 00:28:20

مشهد للنبي عليه الصلاة والسلام يدوب قلبك من همة النبي عليه الصلاة والسلام عشان ربنا. ربنا يقول له فلعلك باق نفسك على فيهم ان لم يؤمنوا بهذا الحديث اسفاً. شوفوا ربنا بيقولوا ايه البخاع ده آآ شريان عند العمود الفقري كده اللي نازل من الرقبة - 00:28:40

يعني هتدبح نفسك هتفصل رقبتك عن جسمك. فلعلك باخ نفسك على اثارهم. انت متخلص كلمة على اثارهم ديت يعني ايه؟ على يعني الواحد ساعات كده ايه عايزين الشباب يتوب لربنا يعمل ايه يا جماعة؟ اه ده فيه شلة شباب واقفة بتشرب مخدرات هناك عند بعد الكوبري. يلا يا جماعة - 00:29:00

نروح نكلهم فتروح تكلمهم ما فيش استجابة. طب عايزين ننقذ الشباب اه ده فيه شلة واقفة قدامنا ده جزيرة الورد الحقوا بسرعة تجري تكلمهم قال لك ده فيه شباب في - 00:29:20

في شباب اسبوع شباب الجامعات واقفين عند استاد الجامعة اجري بسرعة. ده فيه شباب ملمومين في قهوة من القهاوي. اجري بسرعة. انت متخلص المنزد على اثارهم راحوا فين؟ في هنا ناس اروح ادعوها وفيينا ناس. وجاي وفد من برة وجاي ناس في الحجيج في اسوق مني. مش هسيب حد. انت متخلص - 00:29:30

منزد النبي وهو بيجري على اثارهم. ده ده فيه شباب عدوا من هنا ده فيه ناس عدت من هنا ده فيه ناس راحت من هنا والنبي عليه الصلاة والسلام ملهوف على انقاذه الناس - 00:29:50

اثارهم لما كانوا ببيزلوا مجهد عشان اضلال الصحابة. ممكن تلاقي واحد بيبدأ يتهز من كتر الضغط عليه. فاهم الباطل ماشيين يضلوا في الصحابة والنبي وراهم بيصلح الحق الاخ فلان. اتفرج على مش عارف موقع ولا كليب ولا ايه وبينتكس. اجري بسرعة صلح اللي اهل الباطل - 00:30:00

عملوه. اجري بسرعة انقذ ده والحق ده. واعمل ده على اثارهم. كانت شابة من الشباب يعني اللي كان مرتبط او زيارة المقابر وبيحبها. كان شافه كان برضه بيحب دعوة الشباب قوي ودعوة الشباب الى الله يعني. فكان شاف رؤية ان ان احنا داخلين المقابر والمقابر كل مقبرة جواها - 00:30:20

وشب وقادعين نكسر في المقابر مرة نفتح نلاقي الشاب مات خلاص ومرة نفتح نلاقيه بيموت ونحاول ننقذه. يعني انت عارف اللي هو ايه؟ اللي هو القلوب بتموت بقى مش الاجساد بتموت. القلوب بتموت يا تلحق يا ما تلحقشي. تعال اثارهم على اثارهم برضه. لما واحد قعدت تدعوه الى الله ومات - 00:30:40

ويعدى النبي عليه الصلاة والسلام من جنب بيت ابو طالب بعد ما مات. على الاثار اللي هو سببها وخلاص مات ونزل تحت التراب وخلاص مات على الكفر والعياذ بالله عبد النبي جنب اللي كان بيدعوه امبارح عايز ينقذه من النار وما عدش غير اثارهم وهم ماتوا على الكفر وحرقة قلب النبي عليه الصلاة والسلام. الدعوة - 00:31:00

يا اخواننا عايز حرقة قلب. اللي عايز يشتغل في الدعوة لازم يتعلم الحرقة. لازم يتعلم لهم. لو اتعلمت الحرقة على الناس لو اتعلمت الهم على انقاذه الناس من النار لو اتعلمت فلعلك باق نفسك على اثارهم ان لم يؤمنوا بهذا الحديث ايه - 00:31:20

اسفة يعني ايه اسفاً مش هنخرج برة القرآن وتولى عنهم وقال يا اسفاً على يوسف وايه وايبيضت اينه من الحزن اتعمى. لما وصلنا للأسف ده جه العمى. يعني اسفاً يعني هيتعمى من كتر الهم. الداعية هيتعمل - 00:31:40

من كتر الهم على الناس قضية علو الامة سورة الكهف يا جماعة علو همة. سورة الكهف يا اخوانى خط سير. سورة الكهف سورة بتعرفك ازاى توصل لربنا وانا دلوقتي قلت لك ايه؟ من الحاجات الدقيقة والخطيرة جداً في الصورة انا قلت لك علو همة فانطلق وذو القرنين وهمنه واهل الكهف وهمتهم الرهيبة في التضحية - 00:32:00

صاحب صاحب الجن提ن وهمته العظيمة في الدعوة الى الله. ولكن السورة فيها ملجم تاني خطير جدا. شف ربنا في قصة اهل الكهف يقول للنبي ايه؟ ولا لا تقولن لشيء اني فاعل ذلك ايه؟ غدا الا ان يشاء الله. اوعى تعتمد على نفسك. اوعى - 00:32:20

انها تجي بنفسك من اعظم الحاجات اللي الواحد خرج بها في العمرة ديت. انت زعلان ليه؟ زعلان ليه؟ زعلان انك انت مقصري في الموضوع الفلاني؟ وانك انت كان نفسك كي تشتغل في السفر الفلاني وهي هتيجي بمجهودنا اصلا يا عم ده ستة مليار كافر. لو موتنا نفسنا هنهدي مين ولا مين - 00:32:40

يا عم ده مليار ونص واحد من المسلمين عايزين معظمهم يتعلم الدين تاني. يا عم عمرها ما هتيجي بالمجهد امال ايه بفتح الله يعني ان مش املنا ان احنا نشتغل ليل نهار. احنا املنا ان ربنا يفتح لنا ويفتح علينا لما نشتغل في فتح - 00:33:00 ساعتها اشوف النقلة اللي هتحصل لدينا ربنا. الا ان يشاء الله. اوعى قلبك يتعلق بغير الله. اوعى لو معك اسباب الحاجة واذكر ربك اذا نسيت وقل عسى ان يهدني ربى لاقرب من هذا رشدا. ايه الرشد اللي اقرب من هذا؟ الرشد هنا انك تعرف ان كل حاجة مش هتحصل الا ان يشاء الله - 00:33:20

ده الرشد. طيب بعد كده القصة اللي بعدها دي القصة الاولانية يا اهل الكهف. طب القصة الثانية صاحب الجن提ن ولو لا اذ دخلت جنتك قلت ما شاء يا الله! دي مشيئة ربنا. اوعى تفتكر ان دي شطاره منك ولا خيابة مني. لا قوة الا بالله مش بقوة الاسباب. اوعى - 00:33:40

افتكر كده القصة الثالثة قصة موسى ستجدني ان شاء الله صابرا ولا اعصي لك ايه؟ ولا اعصي لك امرا يبقى اذا الصورة بتخليلك عامل زي البحر. من برة متفجر هادر. ومن من القاع عميق - 00:34:00

ساكن هادي من برة فانطلقا حتى اذا بلغ مغرب الشمس قال له صاحبه ويحاوره ليثوا في من برة ما شاء الله جهد جوارح في العمل يدين ربنا جبار. ولكن من جوة متصل الا ان يشاء الله. عارف ان كلها - 00:34:20

ربنا مش بمجهودك. انك لو موت نفسك في الدعوة وفي الجهاد وفي طلب العلم. لو مو عدت نفسك في كل ده عمرك ما هتوصل لربنا الا بربنا سبحانه وتعالى. عمرك ما هتعرف توصل لربنا الا بالله. لازم تعرف دي. عشان كده سورة الكهف يا اخواننا جابت حاجة خطيرة - 00:34:40

سورة الكهف يا جماعة جابت اعلى اعمال الدين. يعني ايه اعمال اعمال الدين؟ يعني القصة الاولانية قصة اهل الكهف دي قصة ايه؟ ده قصة تضحية بالعمر كله عشان العبادة ادم يعني مش اي عبادة. يا اخواننا يعني مش بعد الدرس وقفنا نصلي اربع ركعات مع بعض. يعني مش قلنا نتقابل يوم الحد بعد العشاء نصلي ركعتين - 00:35:00

جلسة تفسير وبعد كده نرجع نصلي ركعتين. يعني مش روحت بيتك يا حبيبي قعدت تصلي للفجر. ده عبادة عشان الركعتين دول ضحي بعمره كله والدنيا كلها اعلى عبادة. العبادة اللي عشانها ضحي بحياته. طب قصة صاحب الجن提ن؟ اتكلمت عن اعلى دعوة يعني ايه اعلى دعوة؟ يعني انا دلوقتي قاعد - 00:35:20

في درس جميل ما دعوة الى الله الشيوخ بتروح قناة فضائيات تدوا دروس جميل دعوة الى الله. انما ما فيش زي الدعوة الفردية. ما فيش زي انك تشو夫 واحد صاحبك او زميلك في - 00:35:40

شغل او زميلك في الدراسة او جارك او قريبك. وتتصل به وتقابله وتعزمه وتتكلم. ومرة يتتططر عليك ومرة يديك شبهاط ما انتاش عارف ترد على ما في زي الدعوة الفردية جابت لك الدعوة الفردية اعلى نوع من انواع الدعوة. طيب بعد كده قصة موسى والخضر قصة طلب علم. لا ده اعلى نوع من انواع طلب العلم - 00:35:50

اللي هو اسمه ايه؟ ها؟ اللي هو اسمه احنا ننساه. اسمه ايه؟ الرحالة في طلب العلم. ده كان هيتعمل الامام احمد ابن حنبل الكلام ده. الكلام ده بقى له مسلا الف سنة في الامة ما عدناش نسمع عنه. ايام زمان ايام ما كان بيطلع ائمة. كان فيه حاجة كده اسمها الرحالة في طلب العلم. الامام احمد ابن حنبل خرج - 00:36:10

سبعيناشر سنة ما رجعش بيته غير بعد سبععاشر سنة بيلف في ارض الله كلها لكل عالم عشان يجيب العالم من عنده رجع بقى الامام

احمد ابن حنبل. يبقى الرحلة في طلب العلم. كان احد السلف بيقول كلمة خطيرة جدا. بيقول لك ان الله ليرفع البلاء عن اهل الارض -

00:36:30

رحلة في طلب العلم. يعني واحد من الشباب اللي قاعد دوت يسخن انانا اسخر حياتي. انانا اسافر القاهرة. اشوف العلماء اللي هناك واسكندرية. والصومال وموريتانيا السعودية والهند وباكستان العلماء ماليين الدنيا كلها والزيتونة وتونس وليد من العلم كده واجمع العلم ده الرحلة بتاعته - 00:36:50

وممكن تلاقي الاسعارات انخفضت في المنصورة وما انتاش عارف ليه. ممكن تلاقي الشتا نزل وما انتش عارف ايه ان الله لا يرفع البلاء عن اهل الارض بالرحلة في طلب العلم. حاجة خطيرة جدا. عشان كده قصة - 00:37:10

الوحيدة في في الاربع قصص في السورة اللي ذكر معها الشيطان. قصة مين؟ اهل الكهف ولا صاحب الجنتين؟ ولا موسى والخضر ولا ذو موسى والخضر فين؟ وما انسانيه الا الشيطان. القصة الوحيدة الشيطان ليه؟ لان الرحلة في طلب العلم دي يا - 00:37:20
معناها ان بكرة هيطلع لك الامام احمد تاني والامام مالك تاني والامام الشافعي تاني. حتى لو مش في نفس هيطلع لك بكرة ناس هتدبح الشيطان دبح. في امة فالشيطان عارف ان دي اكبر مصيبة في حياته. طلب العلم ده اكبر مصيبة فسبحان الله العظيم. فعارف ان ديت بالنسبة له دي كارسة. يعني دي - 00:37:40

دي كارسة من الكواريس. فطلب العلم لما جه في السورة اعلى طلب علم وهو الرحلة في طلب العلم. الرحلة في الطلب. طب لما جه الجهاد اعلى صورة للجهاد وهو لف الارض كلها من اجل الجهاد يعني مش على قد آآ يعني معركتين ومش عارف ايه الا ده واحد نظر حياته - 00:38:00

كله لنشر الجاد في الارض. طيب انا عايز اقول لك انا عايز اقول لك ان العبادات دي تطلع ازاي؟ ما هو يا اخواننا خلونا برضو عاقلين يا اخواننا. احنا بنقول الصورة دي - 00:38:20

عندينا خط سير وبتدينا علو وامة. ازاي ابقي طالب ارحل في طلب العلم يا عم انا عارف ان الكلام ده جميل. بس يا عم والله ما اقدر على اللي انت بتقوله ده. انا يا عم - 00:38:30

تلتميت سنة عشان اصلی عشان اصلی ركتعين ولا هشتغل في ده الدعوة الفردية انا مش قادر اشتغل فيها وطلب العلم والرحلة في الطلب انا مش قادر على الكلام ده ده انا عايز واحد في المسجد اللي جنب بيتنا بيدي يعني بيشرح كتاب في عقيدة كده عشان ادرس على ايدي وخلاص وابقى كده الحمد لله والشكر لله كده بقى طالب علم - 00:38:40

عشان كده ربنا جاب اية في السورة هي اللي من غيرها النمازج دي كلها مش هتطلع. حد يعرف يقولها اية في سورة الكهف. لو ما هييش موجودة كل النمازج دي ما هييش هتطلع - 00:39:00

جميل ده تعلق القلب بالله. انا بتتكلم في حاجة اسباب احنا نعملها. الله! ما شاء الله! ايه يا عم ده! انت اسمك ايه! ازيك يا ابو حميد! ما شاء الله! ما بتتغيرش قوي يعني - 00:39:16

بس ما شاء الله جزاكم الله خيرا. آآ واصبر نفسك مع الذين يدعون ربهم. اللي احنا بنسميها ايه؟ التربية لو ما فييش تربية النمازج دي مش هتطلع. لو ما فييش تربية الموضوع ده انا يعني قلت لكم يا اخوانى من الحاجات اللي حرقت - 00:39:27

قلب الواحد في السنة الكبيرة بتاعة من بعد السورة كل شوية تلاقيه الحق اليوم السابع بيقولوا عليك مش عارف ايه الحق مش عارف الجريدة فهي شتمت في مين الحق القاجرة الحاجات اللي قهرت قلب الواحد والله يا اخوانى. يعني ودي حاجة غريبة جدا ان كثير من الصحفيين اللي في الجرائد العلمانية - 00:39:47

من المنصورة. هي المنصورة وضع انها بتطلع دعاة وعلمانيين. والله المنصورة دي بتطلع ايه بتطلع الدنيا اللي فيها يعني. بتطلع كل هينص دعاة مصر والمنصورة ونص صحفيين يعني واسعة جدا. ما فييش صحفي ولا صحافية اتصل بي مرة وهو من المنصورة عشان يعمل حوار او اسئل عن - 00:40:07

حاجة يعني مش ممكن يكون يعني ده كله كده بتنجي في دماغه يكدها يعني. الا ويقول لي انا كنت بحضر درس السلاب زمان وانا

طالب في الجامعة الكلمة دي سمعتها من كل صحي او صحفي او من المنشورة وشغال في الجريمة اللي جاية دي وبيشتم فيك الوقت .. ويستمتع عورات الدعاء الوقت .. يقروا، لك انا كنت - 00:40:27

كلمة دي كانها طعمة في القلب. ليه؟ لأن يا جماعة القضية مش قضية درس. عشان كده ليه الشهر اللي قبل ما نسافر العمرة هنعمل رحلة للمقابر ونطلع مع بعض هنعمل آيوم تربوي هنا عن الاخوة بس ونتعرف على بعض. هنعمل ليلة دار ارقم. نشرح صورة ونصلي بها مع بعض مسلا في وسط الاسبوع - 00:40:47

هنجعل هنعمل ليه ؟ لأن الواحد اتعلم ان الموضوع لو على قد درس وسلام عليكم وعليكم السلام تلات تربع اللي قاعددين اول فيقابلوا فتن الدنيا الفتنه هتجرفهم وممكن عشان الفلوس يعملا اي حاجة. انما لازم التربية. لازم واصبر نفسك ايه؟ واصبر نفسك ايه -

00:41:07

مع ديت نبقى مع بعض. عارف لما تقول لواحدانا معك. يعنيانا معك. يقول لك انا هعدي المخاض دي ازاي؟ انا معك ايدي ايديك
اهي ما تخافش ما تخافش لو جيت تتزحلق ولا حاجة هتللاقي ايدي ماسكاك. لو جيت تقع هتللاقي ايدي ماسكاك ما فيش مشكلة

فيها انا معك مش معناها ان معك اربعة وعشرين ساعة. انا معك معناها ان مشاكل الطريق دي هنلاقيني معك فيها. انا معك. اهي حرف مع ده هو لما بيغيب الدين بيبقى كلامه خلاص. لما يتقال انا معك لما لازم نبقى مع بعض. لازم نبقى مع بعض ديت بيبقى نسيب نقطه التزيرية - 00:41:47

نقطة التربية

وهندخل في علو الهمة في حاجة من اجمل معاني الدين في السورة. وهو علو الهمة في الايه؟ في الاخوة. ان احنا نبقى مع بعض يعني انا علقت نقطة التربية وهرجع لها دلوقتي. العبادة اللي لو جت كل العبادات دي هتبيجي. الناس دي لو لقت حد - 00:42:07 يربيها ويهتم بها وقلت لكم ان التربية دلوقتي ما عنتش عايزة مربى واحد. احنا مش ايام النبي ما فيش غير النبي عليه الصلاة والسلام. دلوقت . فيه ميت درس . والد شريط خمسية مم قع نت اسلام . - 00:42:27

والسلام. دلوقتي فيه ميت درس والف شريط وخمسينية موقع نت اسلامي - 00:42:27
وخمسين دار تحفيظ قرآن وسبعين جمعية خيرية عايزه متبرعين. فانت الوقتي ما انتش محتاج حد اكتر. حد يسندك اكتر. انما انت قدامك مجهد كبير جدا طول الاسبوع - 00:42:37

الحمد لله وكفى وصلاة وسلاما على عباده الذين اصطفى. أما بعد كنا فين بنتكلم في سورة ايه بقى؟ كاف ولا طبق ولا ايه بالزبط؟
كهف؟ طيب نتكلم في ايه في سورة الكهف بقى؟ واحد بيقول التضحية واحد بيقول اصبر - 00:42:54

الاخوة ماشي جزاكم الله خير. طيب يا اخوان احنا الاخوة الى الله عايز تشتاق للجنة عايز تشتال الجنة بجد تعيش مع معنى الاخوة في الله. لما تسمع نصوص الاخوة كده وتببدأ تحب اخوانك في الله تقول ياه! هو الجنة ان انا ابقي مع الناس ديت - 00:43:16
بس من غير منغصات بقى ومكررات ده جنة دي جميلة قوي. لو الجنة بس ان انا ابقي مع احبابي ده هم في الله. ده الجنة دي جميلة اوی. شوفوا يا اخوان - 00:43:39

الآخرة في الله بين اهل الكهف وبعض. بين اهل الكهف وبعض. ففين الكلام ده؟ طب تعال بس نبص في الآيات كده. بس نبص ايه؟انا عايز تقرأ يعني زي ما بقول لك تقرأ بهم الوصول الى الله. مش تقرأ ان انا خلصت سورة الكهف. يا عم عش الليلة دي كلها مع قصة اهل الكهف - 00:43:49

بكرة مع قصة صاحب الجنتين. ما تستعجلش. المهم عيش مع الاية. شف رينا يقول لك ايه في سورة الكهف. فابعثه انا عايزك تتخيل مسلا من سبعة قاعدين. فواحد بيقول بعد ما صحوا فابعثوا احدكم بايه؟ بورقكم هذه الى المدينة. طب ما كان -

ربنا يقول فابعثوا احدهم بهذا الورق او بهذه الورق بورقكم يعني ايه بورقكم؟ ده احنا فلو سنا كلنا حاجة واحدة. افضل يا جماعة حد

معه عربیة تویوتا کرولا ملکت دمیاط عشرہ تلمیمة وعشرہ - 00:44:29

وانـت كـروـلا مـلاـكـي دـمـياـطـ؟ عـشـرـةـ؟ عـشـرـةـ تـلـتـمـيـةـ وـعـشـرـةـ. زـنـقـةـ عـلـيـكـ يـعـنـىـ أـرـبـعـ عـرـبـيـاتـ مشـ عـرـبـيـةـ

واحدة. تويوتا كورولا آملاكي في دمياط يا اخواني. اخوكم في الله بيتوسل اليكم. يعني من باب الاخوة في الله هو لو حد منهم

هيطلع ربنا - 00:44:44

يا اخي جزار الله خير افضل. فابعثوا احدكم بورقكم هذه يا اخوانا يعني ايه انك تحط لما تحتاج فلوس تحط ايدك في جيب اخوك
تطلع من غير استئزان. وانه لما يحتاج فلوس يحط ايده في جيبك يطلع من غير استئزان. تقدر دي ولا ما تقدرش؟ تقدر ان -

00:45:04

فلوستنا تبقى حاجة واحدة ما فيش حاجة اسمها ده معه وده معهوش. بورقكم فلوسكم كلها. كلهم الفلوس دي بتاعتكم كلها. ممكن
 تكون دي بتاعة واحد منهم اصلا. تقدر كنت مرة مع مجموعة من الاخوة كان في معسكل يقول لهم مين يطلع نص ما له لاخوه زي
 الانصار ما عملوا مهاجرين. يا عم حتى منز - 00:45:24

حتى ولا واحد رفع ايده. فقلت معلش ما يمكن ايه الناس عندها سوء زن ببعض يقول لك يا عم اخويا وي يعني اخويا بس مش ملتزم.
 قلت لهم مين طلع نص ماله للشيخ فلان وقمت جايب واحد بقى ايه حبيب قلبه اوبي ولا واحد رفع ايده. يا نهار ابيض! يا اخوانا مش
 00:45:44 -

طب قل بس حتى لو جواك. معقوله يا اخوانا احنا متاخرين في الاخوة للدرجة ديت؟ ده احد الاخوة يعني كان في العمرة من ايام
 بيقول كان بيخرج بيجي وهو خارج من الحرم بيجي زي تراة كده او شوكة صغيرة كده في رجله وهو خارج يخاف ينفضها احسن
 تدخل في رجال اخوه - 00:46:04

واللي هييدي بعده. اللي ما يعرفش ده مين اصلا. يا اخواننا الحب في الله. ده ده جنة الدنيا هي منابر النور بيلاش الناس
 فاكرة ان الاخوة في الله يعني ذكي اخي فلان واخبارك ايه يا اخي في الله؟ يا عم انا مش عايز انا مش عايز - 00:46:24
 يا اخوانا هو دي الاخوة؟ هو منابر النور. تمنع ان اقول لك ازيك يا اخي في الله؟ منابر النور دي تمنها يا حبيبي ان انا اتكلف من مالي
 عشانك واتكلف من وقتني عشانك. مثل المؤمنين في تودهم وتعاطفهم. التعاطف ده زي المعطف اللي بيغطي الجسم كله. يعني اخوك
 ده - 00:46:44

تطيك من كل ناحية في تودهم. كنت مع بعض يا اخواني الدعاء كده بنتعشى بقول لهم يا اخوانا في تودين ديت يعني زي وجعل
 بينكم مودة. يعني اخوك ده تعامله - 00:47:04

مراتك تقول له كلام حب زي مراتك وتجيب له هدايا زي مراتك. حتى لو ما بتجيبيش لمراتك هدايا تجيب لاخوك هدايا. في توادهم ده
 ربنا بيقول يحبون من هاجر اليهم. يحبون شف الشباب الشباب اللي بعيد عن الالتزام لما بيحبو بعض. يقول لك الشاب بيرحب البت
 يعني ايه بيرحبها - 00:47:14

يعني بتوحشه يا اخي. طب يعني ايه يحبون من هاجر؟ يعني اخوك يوحشك. لك اخ دلوقتي وحشك لما عمر كان يقول اني لاذكر في
 جوف الليل اخي معاذ فابكي. وحش اوبي حتى القاه في صلاة الفجر فاعتنقه. احضنه - 00:47:34
 الاخوة دى فين؟ ابعثوا احدكم بورقكم هذه بورقكم دي فلوستنا ما فيش حاجة اسمها فلوسي وفلوسك. اهي ايه نطلع ونقسم. انا من
 اجمل الحاجات ان انا دايما بخرج ما باخدش فلوس معي. خلاص بقى - 00:47:51

من يومين كده قاعد مع الاخوة فقل لهم الاخوة وفلوسنا واحدة. نطلع ونقسم بحط ايدي في جيب الاثنين خدت كل فلوسي معي كده
 وايه احاول اجيب مرشددين كده بالراحة لان الموضوع كان الموضوع كان هيكبر معنا يعني. اخوك ابعث له - 00:48:11
 لكم برقكم انك انت تفرح انك تدي يا اخوانا يحبون من هاجر اليهم ديت. عارف يعني ايه بتحبه؟ عارف الحب عارفين الحب يا
 مشايخ؟ عارفين فين الحب يا اخواني؟ الاخوات عارفين الحب مع بعض. عارف يعني ايه باحب اخويا؟ بيوحشني. اخويا مسافر انا
 قلقان عليه. يا ابني وصلت ولا لأ؟ يا حبيبي لما توصل طمنني - 00:48:31

يا حبيبي ده انت نور عيني كلامك جميل ده ولا يجدون في صدورهم حاجة مما اتوا يعني ايه؟ طب ما ممكن اتنين اخوات بيحبوها
 بعض بس البنتين يغوروها من بعض اصل البننت دى اجمل من دى. اصل دى جا لها عريس احسن من دى او اغنى من دى. لأ ولا يجدون

في صدورهم حاجة مما اوتوا. يا عم خد الدنيا واللي فيها - 00:48:51

يا عم في بيتها والله. الفلوس دخلت في جيبي ولا في جيبي في بيتها والله. ما هي فارقة. يعني دلوقتي يدخل واحد من باب المسجد انا يا اخواننا راجل الملياردير ومعه مليارات مش عارف اعمل بها ايه. ونفسى اعمل حاجة لله. انا عايز اتبرع بثلاثة مليون جنيه لشاب في الشيك داهو. يبني مستقبله. مين - 00:49:11

مین فيکم ياخدهم ؟ ها هييجي في قلبك ايه ؟ ها تديها لبعض ؟ تتمنى انها تروح لاخوك. ولو حتى اتمنيتها لنفسك، لو اخوك خدھا تبقى حاسس ان هي في بيتها مش فارقة. ايه المشكلة ؟ طيب يا سيدى ما بغيرش انك خدت يا عم وانا ما خدتش. مش مشكلة اخويا وحبيبي. لأن شف اللي بعدها بقى - 00:49:31

تؤثرون على انفسهم ولو كان بهم خصاصة. لأن دا مش بس ما بغيرش انك خدت. دا انا بديك وباديك وباديك. سوريا لما تيجي تقول للناس سوريا يقول لك يا عم مصر واللي فيها امال فين ويؤثرون على انفسهم ولو كان بهم ايه ؟ خصاصة - 00:49:51

خصاصة دي يعني خصت الاحتياج يعني ما حلتيش غير عشرة جنيه. وابني عايز يروح بهم لدكتور. ولكن ابن اخويا برضو مريض ومحتجاتهم يروحوها لهم لدكتور اؤثر ابن اخويا على ابني. انا جعان واخويا جعن. انا هادي الاثنين جنبه اللي معی لاخويا. يأكل بهم - 00:50:11

ايه ده يا اخوانا الايصال اللي انك انت تروح النهارده كده تفتح الدولاب بتاعك. اه البلوفر ده مش محتاجه. والجاكيت ده جميل والله وما له لن تتناولوا البر حتى تتفقوا - 00:50:31

تحبون وانا عندي احسن من اخويا والفلوس ديت يا عم اقسم يا عم وتقوم طالع كده وتقعد تفكرا اه فلان اه له الجاكيت ده فلان له البلوفر ده فلان هديله الفلوس دي. فلان ايه القضية ادي وادي لحد ما كل الدنيا تحب بعضها. بالعطاء - 00:50:41

وابعثوا احدكم بورككم هذه نفس الاخوة وفلوسنا ما فيش فيها فرق. طب شف بقى فاولوا الى الكهف. ده بينما كانوا مع بعض ابعنوا احدكم برకكم هذه المدينة فلينظر ايها الازكي طعاما ده بياكلوا مع بعض عايشين مع بعض. اول مشهد في الآيات ربنا اتنا من لدنك رحمة - 00:51:01

ده بيعدوا مع بعض. ده بيدعوا ربنا مع بعض. الآيات كلها ضمير جمع اذ قاموا فقالوا لن ندعوا من دون الها عايشين مع بعض بينما كانوا مع بعض ربنا يقول لك ايه لما صحوا من النوم قال قائل منهم كم - 00:51:24

فزتم. الواحد وقف قدام قال قائل منهم ما فيش بينهم تمييز اصلا. ما فيش حاجة اسمها ان ده شهادته كذا وده فلوسه كذا وده عنده وده ما عندوش وده في الدين كبير وده في الدين جديد. الاخوة سهرت كل الفوارق. الاخوة دوبت كل الاعتبارات - 00:51:44

بقي ده اخوك نور عينيك وسرورة حياتك. شوفوا بقى لما عملوا كده مع بعض لما كان الرحمة دي في قلوبهم تجاه بعض ربنا عمل لهم ايه ؟ ترى خمسة ازا طلع التزاور عن كذب ربنا رحمهم حتى الشمس ما بتضربيهمش. ونقلتهم ذات اليمين وذات الشمال. شف حنان ربنا عليهم - 00:52:04

سنائهم على بعض كان شكله يشوف حنان ربنا عليهم كان شكله ايه. هيقلبهم عشان ما يجييش قرح فراش عشان الدورة الدموية ما تقفس. عشان ما يحصلهمش مشاكل عشان تخيل وكلبهم باسط ذراعه بالوسط عشان اللي بييجي يتقال له ان فيه حماية وفيه كلب ويهرب ويجري. رحمة ربنا سبحانه وتعالى آآ سورة الكهف يا اخوانى - 00:52:24

فيها علو همة في حاجات جميلة اوبي. علو همة في الانطلاق الى الله. فانطلق فانطلق حتى اذا بلغ مطلع الشمس مغرب الشمس. سورة الكهف فيها مهمة في التضحية بس كل التضحيات اللي في السورة في الآخر هيروحوا بيتهم. الا اهل الكهف. خرجوا مش هيرجعوا تاني. عشان كده التضحية الغالية قوي دي قوي قوي قوي - 00:52:44

دي اتحطت عنوان للصورة. سورة الكهف فيها علو وهمة في الاتصال بالله الا ان بشاء الله من اول السورة الاخرة بقى. شف الا ان بشاء الله وما شاء الله ان شاء الله علق قلبك بربنا. اوعى تعلق قلبك بمجهودك. اوعى تبص آآ كنت في آآ مؤتمر كده ولا درس في الساحل الشمالي - 00:53:04

قريب فعديت بعد اسكندرية على كل القرى السياحية. مرنة وايسين دبي ومش هايسيندا مش عارف ايه والاخوة اللي كانوا معى ما شاء الله متفقين بقى واللي اشتغل في القرية دي واللي كان في القرية دي حرقوا لك قلبك طول الطريق بيجي ميت كيلو قرى سياحية.انا راجع يعني رحت اديت الدرس وراجع انا حاسس ان واحد - [00:53:24](#)

خلاص منهار خلاص يا جماعة الواقع ده هيتغير ازاي؟ الوقتي بقى لما تسمع الا ان يشاء الله ديت تفرح ليه؟ لانك امبراح امبراح كنت تعجان لانك فاكر ان كل ده عشان يتغير لازم تشتعل اكتر. وانا يا رب خلاص الناس مش قادرة والكل اجهد ومش قادرین نلتحق على الفساد - [00:53:44](#)

انما ربنا بيقول لك لا اووعى تعول على جهدك. عول على فتح الله. فجأة ربنا يفتح قلوب الشباب الدنيا تلتزم. فجأة ربنا يفتح ابواب الهدایة ما تعرفش ايه اللي يحصل. فجأة ربنا يفتح ابواب الدعوة. الناس تسمع دين يا اخواننا فتح ربنا سبحانه وتعالى. سورة الكھف بتقول لك - [00:54:04](#)

اعلى اعمال الدين قدامكم اهي بس من غير تربية مش هتحقق الاعمال دي ومش هتخرج. من غير واصبر نفسك مع الذين يدعون ربهم بالغدأة والعشي. طب الكلام ده انت تقوله لي ليه؟ مش هتكبر الا اما تتربي. لازم تتربي. انت عايز تربیة. انت عايز تتحط في حضانة ايمانية زي البزرة اللي بتتحط - [00:54:24](#)

الترية لحد ما يطلع لها جدر وتخرج تواجه الشمس والهوا بدون ما تموت. لو اترمت على وش التربية من الاول هتموت. انت عايز حضانة تربیة انت عايز رعاية؟ انت عايز انت عايز يعني كنت بقول للشيخ محمد يعقوب النهاردة بقول له حضرتك فاكر لما زمان كنت تقول لنا انت عايزين مربى - [00:54:44](#)

يعرف من شكل عينيك في صلاة الفجر انت قمت الليل ولا لأ؟ وكنا نتجنن ونيجي لك بعد الدرس نقول لك ربنا يا شيخ تقول لنا لأ مش انا يا حبيبي رح لحد ثاني. انا مش فاضي - [00:55:04](#)

في اخوانا التربیة انك انت تعلو همتك انك تتربي. طب اتربي ازاي؟ زي ما قلت لكم يا جماعة. التربية دلوقتي مش زي زمان. مش زي ايام النبي ما عدتش تحتاج مربى واحد اللي هو النبي لو مات الدنيا ضاعت. خلاص قوموا فموتوا على ما مات عليه رسول الله. خلاص ما عدش فيه مصدر للهدایة على وجه الارض اصلا. بعد موت النبي - [00:55:14](#)

الوقت مش كده. الوقت حضورك للدرس. الشيخ محمد حسان تربیة. والشيخ مصطفی العدالة والتربیة. الشيخ احمد جلال تربیة. ودكتور عبدالرحمن الصاوي في الجمعية الشرعية كل سبت بعد في المغرب تربیة وانك تسمع الشرايط داهي او تحمل دروس دینية من على موقع نت الاسلامية تربیة. وانك انت هنا تشتراك في حفظ القرآن. باشمهندس - [00:55:34](#)

زيادة معنا ولا مش معنا؟ باشمهندس علي زيادة اهوت كان معنا في النشاطات اللي قبلها يعني بيدي بيدي في القراءات العشر ج Zah الله خيرا. يعني اخ من الاخوان بيدي قراءة العشر بحفظ القرآن وبيحفظ القرآن هنا اهو بفضل ومنة الله. يعني اللي عايز يحفظ القرآن معه عند العمود دهو يجي له بعد الصلاة بعد صلاة العشاء بازن الله - [00:55:54](#)

عشان يحفظ القرآن معه. بفضل ومنة الله. يعني الوقت فيه بيئه يا اخوانا. فيه بيئه يا جماعة واحنا هنا زي ما قلت لكم. الواحد غير سياسته في الدعوة سياسة ادي درس واجري عشان مكان تاني واجري عشان مكان ثالث - [00:56:14](#)